



Publicaziuns dalla vischnaunca, jamna 21

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2020-1009.000

Elisabeth e Marcus Maissen-Seliner, Rickstrasse 31, 9037 Speicherschwendi: construcziun d'ina casa da pliras famiglias, parcella 3909, Via Aletta 46, 7180 Disentis/Mustér.

Disentis/Mustér, ils 22 da matg 2020

Uffeci da baghegiar Disentis/Mustér

Cussegl da vischnaunca Rapport dalla seduta dils 15-5-2020

En sia seduta dils 15 da matg 2020 ha il cussegl da vischnaunca sut il tgamun da Mario Flepp tractau suandontas fatschentas:

Rapport da gestiun e quen 2019

La tractaziun dil quen e rapport da gestiun 2019 ha vicepresidente Giusep Lozza tgamunau. Suententer haver sclariu differentas damondas e decidiu da far in deposit da 0,9 milliuns francs ella prefinanziaziun per la sanaziun cumplexsiva dil Center da sport e cultura (la suprastanza communal haveva proponiu in deposit dad 1,3 milliuns francs) ha il cussegl da vischnaunca approbau unanimamein il rapport da gestiun ed il quen 2019. Il quen da gudogn e sperdita 2019 siara cun cuosts da frs. 14 898 645.06 e recavs da frs. 15 514 682.05. Ordlunder resulta in surpli da recavs da frs. 616 036.99 ed ina legrevlva atgna finanziaziun da 2,12 milliuns francs. Il quen d'investiziun siara cun cuosts da frs. 4 959 860.36 e recavs da frs. 3 076 356.30, pia investiziuns nettas da frs. 1 883 504.06. Las grondas investiziuns pertuccan la sanaziun dil plaz-scola cun frs. 236 966.08, il niev access Fontanivas cun frs. 217 248.50, la dismessa e purificaziun dall'aua cun netto frs. 651 160.08, projects forestals da netto frs. 388 366.80 sco era igl emprem pagament dad in milliun francs pils indrezs da far neiv.

Via d'uaul Plaunca Su-Pardi

Il cussegl da vischnaunca ha buca concediu in credit net da frs. 432 000.– per realisar il project da segirar e reparar la via d'uaul Plaunca Su-Pardi. La fatschenta ei vegnida returnada alla suprastanza cun l'incarica da suttametter al parlament communal ina secunda varianta cun in project redimensiunau.

Suprastanza communal

Referendum facultativ

A caschun da sia seduta dils 15 da matg 2020 ha il cussegl da vischnaunca approbau unanimamein il rapport da gestiun ed il quen 2019.

Conform ad art. 21 lit. a dalla constituziun communal ei quella decisiun suttamessa al referendum facultativ. Il messadi davart quella fatschenta ed il quen 2019 ein exponi per investa en casa communal (stanza nr. 10). Enteifer 20 dis dapi la publicaziun uffiziala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastanza communal

Elecziuns communalas 2020

Quest atun han liug las elecziuns dils organs communalas per la perioda d'uffeci 2021/2024. Per quellas elecziuns ha la suprastanza communal fixau ils suandonts datums:



a) Termin d'abdicaziun

Il termin d'abdicaziun per il **cussegl da vischnaunca, la suprastonza communal, il cussegl da scola, la cumissiun da gestiun sco era per tuttas ulteriuras cumissiuns** e delegaziuns ei vegnius fixaus sin **venderdis, ils 26 da zercladur 2020**. Suenter quei termin vegnan las demissiuns publicadas el «Fegl official Surselva».

b) Termin per inoltrar propostas

Vischinadis ni gruppaziuns da silmeins 15 votantas e votants han la pusseivladad d'inoltrar entochen 30 dis avon l'elecziun propostas per candidatas e candidats. Las **propostas** ein da far **en secret** e d'inoltrar **entochen venderdis, ils 28 d'ust 2020**, all'administraziun communal. Ufficials che han buca demissiunau valan sco proponi.

c) Termin per las elecziuns

Las elecziuns dils commembers dil **cussegl da vischnaunca, dalla suprastonza communal, dil cussegl da scola e dalla cumissiun da gestiun** han liug **dumengia, ils 27 da settember 2020**. Las elecziuns da tuttas ulteriuras cumissiuns succedan pli tard entras ils gremis competents.

Suprastonza communal

Administraziun communal

Muort il firau da **gliendisdis Tschuncheismas, igl 1. da zercladur 2020**, resta l'administraziun communal **serrada quei di**.

Bien engraziament per Vossa capientscha.

Administraziun communal

Niev: Rinnada da plastic – igl ambient stat a nus a cor!

La Regiun Surselva ha sviluppau in concept per la rinnada ed il recicladi da plastic. L'entschatta matg 2020 ei vegniu repartiu ellas casadas dalla Surselva ina informaziun corrispundenta cun in sac gratuit.

Tgei vegn mess el sac blau da recicladi?

El sac da recicladi vegnan ils materials sintetics ch'ei nudai cul simbol (trianghel) e la suandonta numera mess: 1 (PET), 2 (PE-HD), 3 (PVC), 4 (PE-LD), 5 (PP) e 6 (PS). Quei ein per exempel butteglas da plastic (adatg butteglas da PET vegnan rinnadas vinavon separadamein), tubas da plastic, recipients sintetics, butteglas da latg e groma, cups da jogurt, cups e vischala da plastic, canisters, sadialas, parlets, chistas, mobiliar da curtgin, ruogs da fluras sintetics, emballadis da plastic, termagls ord material sintetic, material da biro, tastgas da plastic, folias da victualias.

Ils sacs da recicladi san vegnir cumprai al spurtegl dall'administraziun communal sco era en ulteriurs loghens nua ch'ils sacs da rumians vegnan vendi.

Cuosts:

frs. 2.20 per sac

(sac da 60 l/ina rolla a 5 sacs: frs. 11.–)

Posts da rinnada:

plazza da rinnada da rumien a Raveras ni al recicladi regiunal a Plaun Grond, Glion

Temps d'avertura dalla piazza da rinnada a Raveras:

mesjamna 16.00–17.30

sonda 10.00–12.00

Nus supplichein da dismetter els sacs blaus da recicladi mo materia da plastic e nuot auter!

Ina gliesta detagliada davart las materialias che astgan vegnir dismissas el sac da rimnar material sintetic anfleis Vus sin la pagina d'internet dalla vischnaunca sut:

www.disentis.ch/vischnaunca/infrastructura/serenera.



Bien engraziament.

Suprastonza communalala

Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni adminstraziuns d'immobiglias che han pigl 1. da zercladur 2020 habitaziuns ni casas d'ina famiglia vitas ein obligai da comunicar quei per tel. 081 920 36 36 ni a scret all'administraziun communalala entochen sil pli tard ils **5 da zercladur 2020**.

Sco habitaziuns vitas el senn da quella dumbraziun vegnan quintadas tut las habitaziuns mobigliadas ni buca mobigliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein pil di da controlla (1-6-2020) vitas, denton habitablas e
- ch'ein pil di da controlla (1-6-2020) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communalala

Rimnada da pupi

Venderdis, ils 12-6-2020

Preziadas convischinas, preziai convischins. Cun la midada dallas mesiras per cumbatter il coronavirus (Covid-19) ei ina rimnada da pupi puspei pusseivla.

Adatg! Ei vegn mo rimnau gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!

Nossa scola populara Mustér, Ch. Berger

Seniora-Ca

Il temps da Corona ha reteniu nus ils davos dus meins totalmein. Nus sperein che tuts/tuttas hagian surmontau bein il «Lockdown» e tuts seigien vegni schurmegiai dil virus. Avon las vacanzas da stad vegn Seniora-Ca buc ad astgar organisar sentupadas.

«Mo nus havein buc emblidau Vus! Nus fagein a Vus in «Regal da Corona»

Seniors/senioras cuschinan per seniors el stil Corona. Mo tgei? Nies cuschinier da Seniora-Ca prepara ina suppa da giutta (il recept cun las ingredienzas vegn aschuntaus), pachetescha quella hermeticamein, aschia che mintgin/a sa scaldar quella a casa e guder in gentar!

Mo co? Duas pusseivladads: Sche pusseivel vegnir sez ni schar purtar la suppa a casa (per exempel buc esser bein en pei/a pei ni negina pusseivladad da transport!)

Cu? Gievgia, ils 28 da matg 2020, naven dallas 10.30 sper halla Cons

Co? Annunzia cun indicaziun: Diember da purziuns – jeu vegnel sez ni adressa da furniziun (tel. Puntreis: 081 929 56 56 tochen mardis, ils 26 da matg 2020 allas 16.00)

Post d'informaziun Seniora-Ca
